



ҚАЗАҚСТАН РЕСПУБЛИКАСЫ БІЛІМ ЖӘНЕ ҒЫЛЫМ МИНИСТРЛІГІ
Л.Н. ГУМИЛЕВ АТЫНДАҒЫ ЕУРАЗИЯ ҰЛТТЫҚ УНИВЕРСИТЕТІ



Студенттер мен жас ғалымдардың
«ҒЫЛЫМ ЖӘНЕ БІЛІМ - 2014» атты
IX халықаралық ғылыми конференциясы

IX Международная научная конференция
студентов и молодых ученых
«НАУКА И ОБРАЗОВАНИЕ - 2014»

The IX International Scientific Conference for
students and young scholars
«SCIENCE AND EDUCATION-2014»

2014 жыл 11 сәуір
11 апреля 2014 года
April 11, 2014



**ҚАЗАҚСТАН РЕСПУБЛИКАСЫ БІЛІМ ЖӘНЕ ҒЫЛЫМ МИНИСТРЛІГІ
Л.Н. ГУМИЛЕВ АТЫНДАҒЫ ЕУРАЗИЯ ҰЛТТЫҚ УНИВЕРСИТЕТІ**

**Студенттер мен жас ғалымдардың
«Ғылым және білім - 2014»
атты IX Халықаралық ғылыми конференциясының
БАЯНДАМАЛАР ЖИНАҒЫ**

**СБОРНИК МАТЕРИАЛОВ
IX Международной научной конференции
студентов и молодых ученых
«Наука и образование - 2014»**

**PROCEEDINGS
of the IX International Scientific Conference
for students and young scholars
«Science and education - 2014»**

2014 жыл 11 сәуір

Астана

УДК 001(063)
ББК 72
Ғ 96

Ғ 96

«Ғылым және білім – 2014» атты студенттер мен жас ғалымдардың IX Халықаралық ғылыми конференциясы = IX Международная научная конференция студентов и молодых ученых «Наука и образование - 2014» = The IX International Scientific Conference for students and young scholars «Science and education - 2014».
– Астана: <http://www.eni.kz/ru/nauka/nauka-i-obrazovanie/>, 2014. – 5831 стр.
(қазақша, орысша, ағылшынша).

ISBN 978-9965-31-610-4

Жинаққа студенттердің, магистранттардың, докторанттардың және жас ғалымдардың жаратылыстану-техникалық және гуманитарлық ғылымдардың өзекті мәселелері бойынша баяндамалары енгізілген.

The proceedings are the papers of students, undergraduates, doctoral students and young researchers on topical issues of natural and technical sciences and humanities.

В сборник вошли доклады студентов, магистрантов, докторантов и молодых ученых по актуальным вопросам естественно-технических и гуманитарных наук.

УДК 001(063)
ББК 72

ISBN 978-9965-31-610-4

©Л.Н. Гумилев атындағы Еуразия ұлттық
университеті, 2014

Осының барлығын қорыта келе түйетініміз – Қытай жылдам әрі қарқынды түрде дамып жатыр. Дамуды осы деңгейде ұстап тұру үшін ҚХР көпвекторлы саясатты ұстанып, дүниежүзілік саясаттағы ықпалын күшейтуге мүдделі. Және де қазіргі даму деңгейімен шектелмейді, тіпті одан асып түсуге тырысады.

Қолданылған дереккөздер тізімі

1. Дэн Сяопин Выступление на 3-м пленуме Центральной Комиссии советников (22. 10. 1984) //Основные вопросы современного Китая, –М., 1988, 90-105б.
2. Мао Цзедун Китайцы теперь встали во весь рост (21. 09. 1949)//Революция и строительство в Китае: речи и выступления, –М., 2000, 300-304б.
3. Мао Цзедун Превратить нашу страну в модернизированную социалистическую державу (сентябрь 1963 г., Декабрь 1964г.)// Революция и строительство в Китае: речи и выступления, М., 2000, 411-412б.
4. Сыроежкин К.Л. Китай: военная безопасность. КИСИ при Президенте РК, –Алматы, 2008, 22-23б.
5. Дэн Сяопин Выступление на 3-м пленуме Центральной Комиссии советников (22. 10. 1984) //Основные вопросы современного Китая, М., 1988, 90-105б.
6. Сыроежкин К.Л. Китайские сюрпризы // Континент, 2004, №18, 32-35б.
7. Вэнь Цзябао рассказал об экономической ситуации в Китае на открытии 3-го китайско-российского экономического форума // <http://russian.china.org.cn/29.10.2008>
8. Политика КНР на современном этапе: реалии и перспективы. Научное издание. Алматы: КИСИ при Президенте РК, 2005, 121б.
9. Сыроежкин К. Л. Китай: военная безопасность. КИСИ при Президенте РК. –Алматы, 2008, 130-132б.
10. Мұқаметханұлы Н., Алиева А. ҚХР Африкадағы сыртқы саясатының концептуалды негіздері, ҚазҰУ хабаршысы, Халықаралық қатынастар және халықаралық құқық сериясы, 2012, №4(60), 51б.
11. Chang F.K. China's Central Asian Power and Problems. Orbis. Vol. 41. 1997, summer №3

УДК 061.3ЕС:32(430)

ГЕРМАНИЯ ЖӘНЕ ЕУРООДАҚ

Маликова Айжан Наймантаевна

Aizhan_malikova@mail.ru

Л.Н.Гумилев атындағы ЕҰУ, Халықаралық қатынастар факультеті,

«Аймақтану» мамандығының студенті, Астана, Қазақстан

Ғылыми жетекшісі – Г.Қ.Бөкешова

Еуропалық Одақ 2007 жылдан бастап 27 мемлекеттен құрылған, сомалық тұрғындар саны - 495 млн. адам және жалпы алаңы 4,4 млн. шаршы км., әлемде ең табысты интеграциялық топтаманы ұсынады. Осы туралы мүше - елдердің экономикалық өзара тәуелділіктің жоғары деңгейі де, Еуроодақта саяси интеграцияның тереңдігі де куәландырады.

Әлем елдерімен, әсіресе ЕО бойынша көршілес мемлекеттермен тығыз қарым-қатынас орнатып, мүдделердің бейбіт балансын сақтау неміс қоғамы үшін Еуропа интеграциясының ұтымды үлесіне айналды. 2007 жылы Германияның ЕО-қа төрағалық етуі бұған бірден бір дәлел. Еуропалық экономикалық қауымдастықты құру туралы Рим келісімінің арқасында 1957 жылы еуропалық интеграция үрдісінің тарихы басталды. Негізін қалаушы мемлекеттер арасында ынтымақтастық пен сауданы дамыту арқасында батысеуропалық мемлекеттердің экономикасын нығайту ең басты назарда болды. 1957 жылы қаблданған бұл шешімнің идеясы бүгінгі күннің өзінде көрініс табуда: Рим келісімі ЕО,

кеден одағының және біріккен сауда саясатының негізін қалады. Ортақ нарыққа деген ұмтылыс жекелеген мемлекеттердің мүдделерін қадағалайтын басқару органы және әкімшілік саяси инстанция – еуропалық комиссияның құрылуын талап етті. Тауар айналымы, қызмет көрсету, капитал және жұмыс күшінің еркін айналымын қамтамасыз ету үшін, ішкі шекараларды жою қажет болды: бұл 1992 жылы бірыңғай ішкі нарықты қалыптастыруды аяқтау бағдарламасы еді. Бұл нарықтың негізінде, 2002 жылы қолма қол ақша ретінде еуроның қолданысқа енгізілуіне әкелген, валюталық саясат саласында кепілдік қажеттілігі туды.

2007 жылы желтоқсан айында қол қойылған Лиссабон хаттамасы – Рим келісімі және экономикалардың саяси кеңістікке шиеленісуінің көрінісі болып табылды.

ЕО өмірінің маңызды кезеңдері Германияның мәмілеге келу дайындығынан және оның тиімді күш салуының арқасында шешімін тапты. Қазіргі таңда ЕО –қа қатысты Германия саясатының негізгі бағыттарына партиялық консенсус тән. Неміс қоғамы күшті Еуропалық парламенті бар қабілетті, бірақ демократиялық Еуропа құруға талпынды. Германия Лиссабон хаттамасымен негізі салынған интеграция дамуының прагматикалық өлшемін ұстанады және бұл үдерістің әрі қарай дамуын қолдайды.

Германияның Еуропалық Одақтағы негізгі мақсаттарының бірі – әлемдік саясатта Еуропалық Одақ рөлінің артуы. Германия пікірінше, – ортақ міндет. Әлемдік саяси аренада ЕО дауысы мүше мемлекеттер дауысынан салмақтырақ. Германия сыртқы саясаты ЕО–ты өз мүдделерінің тірегі және инструменті ретінде қолдана білді. ЕО Германия үшін өзінің халықаралық саясатының басым бағыты болмақ. Германия Еуропалық интеграциялық үрдіске атсалысуда әрқашан белсенділік танытты. Еуропалық экономикалық қауымдастық үшін, ГФР әр уақытта интеграцияны экономикалық саладан әртүрлі саладағы ынтымақтастыққа дамытқан «локомотив» ретінде танылды.

Германия: – батысеуропалық мемлекеттер өнеркәсібінің жекелеген салаларын біріктіру басында тұрды; – ортақ нарықты, – кейіннен экономикалық және валюталық одақты қалыптастыруда маңызды рөл атқарды; – ортақ сыртқы саясатты жүргізуде бастамашы болды.[1]

Қазіргі таңда әлемнің көптеген елдері алаңдап отырған мәселелерді шешу диалогына, сонымен қатар өзара қолдау көрсетуге дайын; көптеген мемлекеттер даму бағытын модернизация және жаһандану үрдісіне бағыттайды. Германия – осы бағытты тиімді ұстана білген мемлекеттердің бірі, оның іс – әрекеттері ішкі және сыртқы саясатта «сенімділік», «тұрақтылық», «дәйектілік» принциптерімен сипатталады. Германия, көбі үшін дағдылы негіздер: адам құқықтарын құрметтеу, демократия және заң күші болып табылатын еуропалық құндылықтарды дамыту аспектісінде жетекші рөл атқарады.

2012 жылы Германия канцлері Ангела Меркель еуропалық саяси одақ құру туралы жұмыс жоспарын ұсынуға дайын екенін мәлімдеді. Бұл ұсынысы бойынша, Еуропаға тек қана валюталық емес, сонымен қатар қазыналық одақ, яғни ортақ қаржы саясаты керек. Бірақ ең алдымен Еуропа біртіндеп мүше мемлекеттер өздерінің өкілеттіліктерін еуропалық құрылымдарға тапсырып және солардың бақылауына көшетін саяси одаққа мұқтаж екендігін атап өтті.

Соңғы кездері, Ангела Меркель қазіргі кездегі қаржы дағдарысын шешу жолдарын ғана емес, сонымен қатар, Еуропалық Одақтың келешектегі дамуы туралы жиі сөз қозғайды. [2]

Еуроны құтқару үшін қыруар қаражат жұмсаған Германия үкіметінің өзі де экономикасы төмен елдерге қаржы жөнелткен сайын ел ішінде үлкен қарсылыққа тап болып келеді. Жалпы, бұл мәселе немістердің ұлттық ерекшеліктері – үнемшілдік пен тынымсыз еңбекті жалпыға ортақ модельге айналдыруды көздейді.

Германияның формуласы бойынша, кедей елдер қатаң үнемдеу саясатына көшеді, ал Германия Еуропаның экономикалық моторы ретінде өзінің экспорттық өнеркәсібін күшейтіп, экономикалық дамуды қамтамасыз етеді, сөйтіп, шалажансар еуроға жан береді. Бірақ, бұл жоспарды жүзеге асыру қиынға соқпақ. [3] Ангела Меркельдің пайымдауынша,

«еуроның күйреуі – Еуропаның күйреуімен» тең. Ортақ ақшасы бар елдердің бір – біріне қарсы ешқашан соғыспағанын көлденең тартқан канцлер еуроны сақтап қалу керектігін ескертуде. «Еуропадағы қордаланып қалған қарыз экономикалық дағдарысқа қарсы күрес пен банктерді құтқару шаралары ғана емес, ондаған жылдар бойы дұрыс жүргізілмеген философияның кесірінен» деп мәлімдеген канцлер қарызға қатысты дағдарыстан батыс ерте ме, кеш пе, құтылатынын, тек жұмыла еңбек ету қажеттігін жеткізді.

Еуроодақтың ең басты елдерінің бірі – Германияның мемлекеттік қарыздарға байланысты үлкен тәжірибесі бар. Сондықтан да кәрі құрлықтың экономикасын дағдарыстан құтқару үшін одақ ережелерін қатайтып, қосымша талаптар енгізуге ұсыныс жасады. [4]

Германия ЕО ДЖӨ – інің 30% – ын құрайды, жоғары дамыған технология өндірісі, дамыған аграрлы сектор, әлеуметтік кепілдіктердің кең жүйесін игерген, ДЖӨ көлемі бойынша әлемде төртінші орындағы мемлекет. (АҚШ, Жапония және Қытайдан кейін). Әлемдік банк көрсеткіштері бойынша, әлемнің ең бай бес мемлекеттерінің қатарынан орны тапқан Германия, әлемдегі алдыңғы қатарлы экономикалардың бірі.

Германия – Еуропадағы ең тығыз қоныстанған ел. 82, 3 млн. халық саны бар. Германия Еуропалық Одақтағы ең ірі және маңызды нарық болып табылады. Экспорт көлемі арқасында, ол мемлекет бүкіл әлемдегі ең ірі тауар экспорттаушы мемлекет. Осыған орай Германия әлемнің басқа мемлекеттерімен салыстырғанда, әлемдік экономикаға көбірек интеграцияланған жаһандық бағытты ұстанады. Әрбір төртінші еуро тауар және қызмет экспортында пайда табады, әрбір бесінші жұмыс орны сыртқы саудаға байланысты.

Германия – жоғары дамыған индустриялы держава. Герман өнімдерінің бәсекеге қабілеттілігі – оның жоғары сапалылығында. Бұл Германияның Еуропадағы экспорт көлемінің ұлғаюы мен сыртқы саудада еуропалық елдердің көшбасшысы болуына әкелді. Германия басқа елдерге машина, транспорттық құралдар, металлдар, азық – түлік және тоқыма өнімдерін экспорттайды.

Германия өнеркәсібінің негізгі салалары: металлургиялық, химиялық, машина жасау, кеме жасау, электроника, авиациялық – космостық, тамақ және жеңіл өнеркәсіптері және т.б. Машина өндірісі бойынша Германия Еуропада бірінші орында.

Германияның ең ірі экономикалық орталықтары – Рур облысы (жоғары технологиялар мен қызмет орталығы), Мюнхен және Штутгарт (жоғары технологиялар, машина жасау өндірісі), Рейн – Неккер (химия саласы), Франкфурт – на – Майне (қаржы саласы), Кельн, Гамбург (порт, авиақұрылыс, медиа өндірістік сала).

Германияның сыртқы саудада негізгі серіктестері – ЕО мемлекеттері – 56, 4% (Франция – 11,1%, Ұлыбритания – 8,6 %, Италия – 7,4%, Нидерланды – 6,8%, Бенилюкс елдері – 5,7%, АҚШ – 94%, Жапония – 1,9%).

Германия 1999 жылдың қаңтарынан бастап, кезектілікке сәйкес, ЕО органдарындағы үйлестіруші қызметін атқаруда. ГФР –ң жаңа үкіметі еуропалық интеграцияны кеңейту мен тереңдету үрдісіне зор мағына береді. Сондай – ақ, ЕО – ы әрі қарай демократияландыру мен еуропарламент рөлін күшейту бойынша алға мақсат қояды.

Жаңа кабинет ГФР – ң интеграциялық саясатында жұмыссыздықпен күресті, жұмыспен қамтамасыз ету туралы еуропалық Пактінің келісілуіне қол жеткізуді ең маңызды міндет етіп қойды. ЕО елдерінің экономикалық, қаржылық және әлеуметтік саясатын үйлестіруді күшейту, салықтық, әлеуметтік және экология саласындағы міндеттерге қарсы ережелерді қабылдау сияқты артықшылықтар кіреді. Қоршаған ортаны қорғау бойынша, еуропалық саясатта Германияны басты орынмен қамтамасыз етуде маңызды екпін қойылуда.

Германия еуропалық Одақтың Шығысқа қарай кеңеюінде тиімді атсалысып, ЕО бюджетіне тиісті салым енгізді. 2000-2006 жылдар аралығында ЕО кеңейту бойынша шығындарды санағанда, ГФР – ң салымы ЖҰӨ 1,27% мөлшерін құрады.

ЕО елдерінің басым бөлігіне тауарларды жеткізетін ірі экспортшы мәртебесіне ие бола отырып, Германия дағдарыс жағдайында өз елінің өнімдеріне деген сұранысты сақтап қалуды көздеді. Бұл жағдай Еуропа елдерінде енгізіліп жатқан қатаң үнемдеу шараларының тізбекті әрекетін азайтуы мүмкін.

ЕО бюджетіне ең көп салым салушы – ГФР. Оның үлесі барлық соманың үштен бір бөлігін құрады, ол басқа да ірі екі мемлекеттің (Франция мен Ұлыбритания) қоса алғандағы салымдарына тең. Сол уақыттағы елдің қарауына түсіп отыратын қаражат көлемі үш есеге кем. Сондықтан да ЕО – қа төрағалық еткен кезде герман үкіметі жаңа қаржылық шеңбердің қалыптасуына өзгертулер енгізуге талпынып, ЕО шеңберіндегі қаржы ауыртпалығын әділ үлестіруге қол жеткізгісі келді.

Германия дамыған және жоғары технологиялы өнеркәсіп секторына ие. Hoechst, BASF, Bayer неміс химиялық компаниялары дәрі – дәрмектің әлемдік нарығында доминантты рөлді атқарады. 2010 – 2013 жылдар аралығында еуропалық компьютерлік және телекоммуникациялық нарық, американдық көрсеткіштерден бір жарым есе жоғары болған. Мысалға алатын болсақ, Siemens неміс телекоммуникация компаниясы әлемдік ұялы телефондар нарығында 15% – ды иемденген, американдық Motorola 13,2%, ал жапондық Panasonic, NEC, Mitsubishi – тек 11,1%. [5]

Сонда-ақ, Германияда әлеуметтік нарықтық экономика қалыптасқан. Мемлекет экономикалық салада еркіндік береді, бірақ әлеуметтік тепе-теңдікті сақтауға тырысады. Бұл тұжырымға байланысты Германияда экономикалық қиын кезеңдердің өзінде, мықты әлеуметтік бейбітшілік орнаған, бұған елдегі өте сирек кездескен ереуілдер куә.

Германия экономикасы әлеуметтік-нарықтық қағида бойынша ұйымдастырылған. Бұл әлеуметтік тепе-теңдікпен және нарықтық еркіндікпен сипатталады. Бұл экономикалық үлгі нарықтық күштерге көбірек еркіндік береді, бірақ ең алдымен әлеуметтік қамтамасыздандыруға көңіл бөлінеді. Бұл концепция соғыстан кейінгі Германияны қалпына келтіруде Людвиг Эрхард және Альфред Мюллер-Армакпен жүзеге асқан.

Соңғы жылдары Германия әлеуметтік-нарықтық шаруашылық үлгісін іске асыруда бірқатар қиындықтарға кездесуде. Дегенмен, басқа елдермен салыстырғанда аталмыш мемлекеттің дағдарыстан ұтымды шығуға мүмкіншіліктері анағұрлым жоғары.

Германияның басымдықтары:

- Елдің мемлекеттік тапшылығы басқа елдермен салыстырғанда әлдеқайда кемірек;
- Неміс экономикасының инновациялылығы әлемдік нарықтағы өзгерістерге шапшаң әсер етуге мүмкіндік береді;
- Әлеуметтік мемлекеттің неміс үлгісі, әлеуметтік қорғаныстың дамыған жүйесі-халыққа қиын дағдарыс кезінің өзінде қауіпсіздік сезімін ұялатады;
- Неміс халқының минталитеті. Ұлттық мінез-құлқы төтенше және дағдарысты жағдайларға бейім (байсалдылық, тиянақтылық, нақтылық, міндеттілік, тәртіптілік, үнемшілдік, ұқыптылық, жинақылық және еңбек сүйгіштік).

Бізге үйреншікті жемқорлыққа бұл елде жол жоқ. Сондай-ақ, неміс өнімдерінің сапасы Германияның мақтанышына айналған.

Германия ЕО-қа жұмсалған 40% шығындарының ауыртпалығын өз мойнына алды. Еуропа «көбірек немістенуі» керек. Осындай тұжырымды жасаған Германия канцлері Ангела Меркель болатын. Бұл тұжырымға наразылық туғызған мемлекеттер де болды. Бірақ, қазіргі кезеңде еуро бір емес, бірнеше жылдар бойы дағдарысты бастан кешірген уақытта, бұл тұжырымның өміршендігі байқала бастады.

Германия әрқашан Еуропалық Қауымдастық үшін интеграциялық құрылысты әртүрлі саладағы ұлтаралық ынтымақтастыққа дамытқан «локомотив» болды. Қазіргі таңдағы Еуропада орын алған дағдарыс барысында Германияның Еуропадағы экономикалық тартылыс орталығы екендігін айқын аңғаруымызға болады және бұл дағдарыс экономикалық және саяси мәселелердің бір екендігін көрсетеді.

Қолданылған дереккөздер тізімі

1. Шемятенков В.Г. европейская интеграция. М., 2003. Стр 114.
2. Меркель представит план создания политического союза ЕС. Newsru. ua 2012. 7 маусым.
3. Чарльз Рекнагель. Еуропа одағы ортақ ақшасыз қалуы мүмкін. www. azattyq. org –2011.

УДК 327.8(73:51)**АҚШ ЖӘНЕ НАТО-НЫҢ ОРТАЛЫҚ АЗИЯДАҒЫ МҮДДЕЛЕРІ****Нұрмаханова Әлия Шамитдинқызы**

Аймақтану мамандығының 4 курс студенті,

Л.Н.Гумилев ат. ЕҰУ, Астана, Қазақстан

Ғылыми жетекшісі - Б.Қ.Қилыбаева

Орталық Азия Вашингтон мен Альянстың стратегиялық тірек пункті функциясын атқаруда. НАТО осы арқылы АҚШ пен Еуропалық Одақ (ЕО) мүдделеріне аймақта күштер тепе-теңдігін құруда және біршама деңгейде халықаралық терроризмнің қаупін төмендетуде. Аймақтағы әскери қатысуын НАТО өзінің аймақ елдерімен жан-жақты саяси ынтымақтасты орнату арқылы нығайтуда. Осы арқылы, аймақтағы жалпы жағдайды дамыту контекстінде, мақсатты түрде Альянс қызметінде Орталық Азияға қатысты нақты әскери-саяси стратегия болжамдануда [1,65 б.].

Орталық Азия аймағындағы АҚШ іс-қимылын сараптай келе, антитеррорлық операция барысында қалыптасқан АҚШ пен НАТО үшін қолайлы әскери-саяси жағдайды Орталықазиялық аймақ елдерімен қарым-қатынастарды жан-жақты нығайту үшін пайдалану, басқа сыртқы күштер, ең алдымен Ресей және Қытайдың Орталық Азияға қатысты ұстанымының өрісін бақылап, АҚШ пен НАТО мүдделеріне қарсы бағыттай алмайтындай шарттар жасау, АҚШ және НАТО қарулы күштеріне пайдалануға берілген әскери базаларды кеңейту және жаңарту мен аймақта қосымша әскери объектілер алу Бүгінде НАТО дамуын халықаралық терроризммен күрес және дағдарысқа қарсы реттеуге негізделген стратегиялық басымдықтардың трансформациясымен сипаттауға болады АҚШ-тың экс Президенті Билл Клинтон тұсында НАТО жаңа стратегиясы қабылданды. НАТО бірден-бір аймақтық және ғаламдық қауіпсіздікке жауап беретін ұйым ретінде трансформацияланды. Құрылымдық жағынан өзгерді. Идеологиялық догмадан бас тартты. Осы ұйымға кіруге ұсыныс білдіруші елдерге жол ашылды, оларды қаржыландырды. Қазір НАТО қызметінің аясы кеңейді, әскери ғана емес, ғылыми,гуманитарлық мәселелермен де айналысады. 2004 жылы Стамбул саммитінде НАТО елдері Орталық Азия аймағын Альянс мүдделері мен Еуразияда тұрақтылықты қамтамасыз етуде стратегиялық маңызға ие аймақ ретінде анықтады. Орталық Азия аймағына әскери қатысу 2001 жылы Ауғанстандағы антитеррорлық операция аясында жүзеге асырылды. Талибтерге қарсы әскери қимылдардың қорытынды кезеңінен кейін НАТО басшылығы Ауғанстанда бейбітшілік пен тұрақтылықты қамтамасыз етуге міндетін алды. Орталық Азияға қатысты жобалардың ұзақ мерзімділігі НАТО-ның арнайы өкілі ретінде және қауіпсіздік саласындағы ынтымақтастық пен әріптестік мәселелері бойынша Бас хатшы көмекшісінің орынбасары лауазымын қатар байланысты атқаратын – Роберт Симмонстың тағайындалуы дәлел болады. Бүгінде әріптес -мемлекеттер «Бейбітшілік жолындағы әріптестік» бағдарламасы шеңберінде үш топқа бөлінеді: Батыс Еуропа мемлекеттері – Австрия, Финляндия және Швеция, Балқан мемлекеттері және Орталық Азия мен Кавказ мемлекеттері, алайда барлық әріптес-мемлекеттер арасында арнайы өкіл тек Орталық Азия және Кавказға белгіленді. Альянс басшылығының пікірінше ұйымның Орталық Азиядағы тікелей қатысуы аймақ елдеріне қауіпсіздік құрылымдарын жаңартуға, атап айтқанда, Солтүстікатлантикалық одақ тәжірибесіне сәйкес қарулы күштерді тұтас қамтитын реформалар өткізуге мүмкіндік туғызады, нәтижесінде мына мақсаттарға қол жеткізіледі: ұлттық қорғаныс жоспарлау және бюджеттерді жоспарлауда ашықтық; қорғаныс күштерін